

Книга жажы

Лыдзиськон юрттэ бурмыны

Йоскалык библиотека-ын Иван Соловьевлэн «Отец Владимир» (16+) книгаеныз тодматскон ортчиз.

Кин ке — пероен

Та жыт 2 люкетэн ортчиз, шуыны луоз: нырысетй люкетаз Иван Соловьевлэн книгаосыныз тодматскизы, нош собере сюлмысь кенешизы ужрадэ өтем куноос: политикъёс, ба́чкоос, пёртэм ожъёсысь ветеранъёс... Пумиськонэ сомында калык люкаськиз, пукыны интыос но ой вал. Лыктйзы культура министр Владимир Соловьев, Удмуртиысь нылкышноослэн союзылэн кивалтйез Елена Дербилова, Ижысь Алексей Московский черклэн настоятелез отец Владимир, кадетьёс.

Иван Соловьев — Россиясь дано юрист, го́жъяськись, полициясь полковник. Иван Николаевичлэн СВО сярись 2 книгаез потэмын ни, нырысетйез «Красные линии» (12+) нимаське.

— 2022-тй ар, гужем, — вера автор. — Жыны ар СВО кыстыське ни, но ноки́че книгаос, фильмец уг кылдо. Ожын сы́че ко́шкемыт, нош милемлы татын — дунне. Та сярись кема малпаськи, валай: вормонэз пёртэм амальёсын матэктны тыршоно — кин ке — пы́чалэн, кин ке — пероен. Собере, аслам но троез эшъёсы спецоперациян. Озы, 2 толэзы дачаям пытаськыса, СВО сярись «Красные линии» книгаге гожтй.



Москваысь писатель Иван Соловьев Ижысь лыдзисьёсты тодматйз СВО сярись книгаосыныз.

Нош ар ортчыса, Иван Николаевичлэн выль книгаез печатлаське — «Отец Владимир». Повестьын гожтэмын Владимир Сычев ба́чколэн СВО-ын улэм-вылэмез, ужамез сярись.

— Ожысь одйг адыми но воштйськытэк уг берытскы: ветлэмез но, куараез но, улон шоры учконэз но мукет луэ. Юнме уг шуо: войнаын атеистъёс өвёл. Тумшонлэн йырыз кур луэ, фронтись батюшкаосты адзыса. Соин ик чёмысь соосты но быдтны туртто. Повестьын возматэмын, кызы валтйсь геройёс нуналлы быдэ тушмон пулялэсь утисько, улон понна нюръясько, кызы ожгарчиос, ожъёс вискин но вояськыса,

ба́чкоослэсь визь-кенеш юаса вутто, — мылкыдзэ усътйз Иван Соловьев.

«Отец Владимир» книгагэн презентацияез вал ни пёртэм каръёсын, но нырысь та книгаез кызы кутйзы ожгарчиос. Госпитальёсын кыллэсь но, телефонзэс куштыса ик, лыдзиськон борды басьтйсько, та книга жоггес бурмыны юрттэ, пе. Пусйыны кулэ, Иван Соловьевлэсь книгаосэ лыдзыны луэ электрон вариантэн но.

Оскон

— Туннэ асьме кышноос юртто вормонэз матэктны: соос дышизы сеть пунны, шунит дйсь вурныны...

Асьмелэн өвёл мурт пиосмы, ваньзы асьмелэнъёс, — шуиз Елена Дербилова. — Кылем арысен ми потаськомы ёросъёсы, пумиськылйськом отын улйсьёсын, одно ик събрамы луо черкын ужасьёс. Вераме потэ Каракулиноын луэм паймымон учыр сярись: кызы телефонзэ кутыса, туж пöseкъяса пуке анай... Пиезлэсь 2 толэзь ивор өвёл ни, пе. Интыысьтыз султыса, кышномурт кесяськыны кутскиз: сомында кузя татчы лыктйды, нош одйгды но мыным юрттыны уд быгатйське! Соку ба́чко солы лякыт гинэ валэктйз: оскыны кулэ, пида жингыртоз ай. Кёня ке ортчыса, кышномуртлэн

телефонэз шудыны өдъяз, ми дорысь бызьыса потйз. Вераськемез бере со выльысь пыриз, ваньзылы кылымон вераз: пие жингыртйз ук, жингыртйз!!!

Ижысь Алексей Московский черклэн настоятелез отец Владимир вуылэмын СВО-е. Со мадиз паймымон учыръёс сярись.

— Нырысетй нуналаз мон юрттй пиослы блиндаж лэстыны, кыкетй нуналаз ни пиос дорам сюзэмшугъяськонъёссэс вераны лыктйзы. Одыгез пияш бёрдыса шуэ: мон гуртын будэмын ке но, одйг пол но курегез чо́геме өвёл, кызы адымиез ыбод?! Оглолаз дорам вазиськиз фельдшер: ваньмызлы юрттэ сётыса уг вуиськы, огеzлы, кыкезлы юрттй, нош куинетйезлы ой вуы. Со съолык-а?!

Одыг пол уйин блиндажысь потй, маке умме усем уг луы шуыса. Пиосмы чапак задание кошкыны дасяско вылэм. Юасько, пöлады Удмуртиысь вань-а? Вань, пе. Солы мон «Живый в помощи» кускерттон, пичи иконаос сёти, гады кисыяд пон, шуисько. Мон, пе, черке пыртэмын өвёл. Молитва лыдзи, вöзамыгес, лымы шунаса, ву пуке вал, отысь вуэн пылатй, шуыны луоз. Эшъёсыз лöптэмын: табере кышкыт өвёл ни, Инмар асьмеды уз кушты!

Татьяна ИЛЬИНА

Ивор вöлмытон

Вормисьёс данъямын!

26-тй тулыспалэ Дэбесысь культура юртэ элькун изданиосысь журналистъёс люкаськылйзы.

Пумиськонэ вуизы Печатья но ивор вöлмытонъя агентстволэн кивалтйез Александр Валов, «РБК Пермь» редакцилэн директорез Максим Пасютин, доцент, УдГУ-ысь преподаватель Наталья Бармина.

Пичияк докладъёсын вераськызы ёрос изданиослэн редакторъёсы. Озы ик ужрад улсын «Село молодое. Пишу глубоко» конкурслы йылпумъянъёс лэсьтэмын. Конкурсэз ялйзы вал ёросысь «Новый путь» газет но Удмуртиысь Журналистъёслэн огазеяськонзы. Ужъёс 3 номинация кутйськызы: экология, лыдзисьёсын ужан но спецоперация.

— СВО сярись го́жъясьёслэсь 85 уж вуиз! Вормисез бырйыны туж секыт вал, — шуэ «Новый путь» газетлэн валтйсь редакторез Юлия Кардапольцева. — Чик но ом малпалэ вал, удмурт кылын но статьяос вуозы шуыса.

Экология сярись зеч го́жя «Воткинские вести» газетись журналист Вера Хрулова, лыдзисьёсын ужаны пöрмытэ Балезино ёросысь «Вперёд» газетись журналист Елена Целюсова. СВО сярись материалъёсынызы сюзэмез вырзито Грак ёросысь «Сельская новь» газетлэн редакторез Елена Маркина но «Удмурт дуннеысь» журналист Татьяна Ильина.

Татьяна СОЛОВЬЁВА

Реклама

Министерство культуры Удмуртской Республики

12 апреля ДК «Аксион» 19:00

АЙКАЙ

Удмуртский государственный театр фольклорной песни и танца Калык кырзанъя но эктонъя кун театр

В программе: удмуртские, русские народные песни и танцы

Справки по телефонам: 209-208, 780-879, 246-000

Билеты в кассах: БЦ «Эльгрин», ДК «Аксион», ЦМ «Аксион», ТРК «Петровский», ТРЦ «Сигма», ТЦ «Кит», ТРЦ «Молл Матрица», ДК «Металлург», ЦРК «Русский дом»

www.aikai-folk.com

ИЗВЕСТИЯ УДМУРТСКОЙ РЕСПУБЛИКИ

Удмуртия

АУК УР театр «Айкай» ОГРН 1021801667865